

KYRKJEKONTAKTEN

NR. 2 — 2023 · 49. ÅRGANG · KYRKJELYDSBLAD FOR ALVERSUND / KNARVIK / LYGRA / SEIM

SIDE 3:

**Familiegudsteneste,
pilegrimsvandring og mykje
gøy i Lygra 11. juni.**

Søndags- skule er stas

Tekst: Nina Jenny Monstad
Foto: Nina Jenny Monstad og Øystein Skauge

I Knarvik kyrkje har søndags- skulen si eiga barnegudsteneste som del av den store gudstene- sta i kyrkjerommet.

Store og små er med på første del av gudstenesta i kyrkjerom- met. Etter å ha opna skattekis- ta, som gjev eit hint om dagens bibelfortelling på søndagssku- len, går barna i kapellet for å ha si eiga samling.

Me tenner det store Jesus-lyset, og etterpå eit telys for kvar enkelt av oss. I tillegg til å fortelle og vise bilder frå bibelfortellinga, dramatiserer me den ofte, helst slik at barna kan delta aktivt. Det er viktig at barna får undre seg, og utforske, trua på Jesus, og Guds rike. Mot slut- ten av samlinga i kapellet syng me velsigninga saman, for kva- randre.

Etterpå er det aktivitetar for barna. Dei kan enten gå på kyr- kjetorget for å utforske bibel- fortellinga meir, eller på Barnas Tårnrom, som er leikerommet i kyrkja. Slik kan barna fortsette å leike bibelfortellinga me nett- opp har snakka om, via rolle- leik, fri leik, eller fargelegging.

Under nattverden blir me igjen ein del av den store gudstenesta i kyrkjerommet. Avslutningsvis er det kyrkjesaft, og ofte fortset leiken.



Me tenner det store Jesus-lyset. Deretter tenner me eit telys for kvar enkelt i Jesus-lyset.



Bamsane fekk både øyre, nase og hals under- søkt. Her sjekker Elias og mamma at alt er bra med lungene til sauene.



Sjiraffen fekk bandasje rundt halsen, plaster på hovudet, og kunne kvile seg på sofaen i tårnrommet.



Når me tenner «Kari» sitt lys, seier me sa- man: «Me tenner eit lys for Kari, Guds barn og vår ven!»



I likninga om den miskunnsame samaritanen lærer me at det er fint å hjelpe andre, og kva- randre. Bamsane fekk ekstra god hjelp denne søndagen.

Helsehjelp til bamsane i kyrkja

Denne søndagen hadde me fokus på bibelfortellinga om den miskunnsame samaritanen. Han stelte såra til mannen som hadde blitt overfalt av røvarar, tok han med til eit herberge, og betalte for han. Gud vil at me skal hjelpe kvarandre. Aktiviteten etterpå var å «stelle såra» til bamsane, og dei fekk god hjelp og mykje omsorg.

Pilegrimsvandring for små og store!

Tekst: Cathrine Grutle

Foto: Ressursbanken.kirken.no

Nye prosjekt er alltid morosamt. Denne gongen skal Lygra kyrkje og Lyngheiseret saman setje fokus på Kystpilegrimsleia sin nøkkelstad på Lygra.

Søndag 11. juni startar vi med familiegudsteneste i Lygra kyrkje med vandring som tema. Når gudstenesta er ferdig, inviterer vi til ei familievennleg pilegrimsvandring ut til Lyngheiseret. På vegen utover stoggar vi mellom anna opp der vi trur kongsgarden til Olav den heilage låg.

Alle vel sjølv om dei vil starta dagen med familiegudsteneste kl. 11:00, eller om ein vil møte opp på kyrkjebakken kl. 11:45 til pilegrimsvandringa.

Når vandringa er slutt, vil dei som har delteke få utdelt «Dagspass for pilegrimar».

På Lyngheiseret grillar vi pølser til



alle som vil ha. Brus og is og kaffi kan kjøpast i kiosken.

Etter kvart blir det mange gøye aktivitetar for born i alle aldrar; hesteskokasting, stylvter, naturløype og Pilegrimsseminar for å nemne noko.

Vel møtt til ein spanande og gøy dag!

NY GIV - gjevarteneste

Tekst: Synnøve Bjørndal

Knarvik sokneråd er glad for alle som støttar arbeidet i kyrkjelydane på ulikt vis, gjennom forbøn, frivillig arbeid, gjevarteneste og offergåver på gudsteneste.

Det skjer mykje flott – i Lygra, Seim, Alversund og Knarvik. Trusoppplæringa er prioritert: Vi har Babysang, KyrkjeGym, Knøttekor, SingSingeling, SingOut, Speidar, Tårnagent, LysVaken, Fredagsklubben, konfirmantundervisning m.m.

No ønskjer Knarvik sokneråd å utvide arbeidet og satse meir på leiartrening og ungdomsarbeid. For å få til dette, er me avhengig av føreseieleg, regelmessig inntekt.

Vi håper mange vil gjere avtale om å gje ein fast sum pr. måned eller pr. år til dette arbeidet.

Du finn meir info om gjevarteneste på heimesida vår: kyrkja.no/knarvik.

Det ligg brosjyre med svarslipp i alle kyrkjene og på kyrkjekontoret. Eller du kan laste ned skjema frå heimesida.



Seimstrand as
5912 SEIM - tlf. 56 35 79 00 - fax 56 35 79 15

R M REIGSTAD MASKINSENTER AS
5914 Isdalsto - Tlf.: 56 35 79 90 Fax: 56 35 79 91
www.reigstad.no

Nordhordland Elektro
Lindåsvegen 153, 5914 Isdalstø
Tlf.: 56 35 73 80 | post@nordhordland-elektro.no

elektronikerkjeden
norgeseliten
Du trygges - vi trykkes!

REMA 1000

DEKK Huset AS

KIWI mini pris
KJØP KJAPT, KJØP TRYGT, KJØP BILLIG
Kiwi Ikenberget Tlf. 56 35 86 10

Alversunddagane 2023

29. mai – 4. juni

Tekst: Kåre Jordal

Me ynskjer velkomen til Alversunddagane 2023. Alversundbygda er historisk og moderne på same tid. Den indre farleia går tvers gjennom bygda og har vore viktig for utviklinga frå gamalt og heilt fram til i dag. Bygda er rik på minnesmerke frå fjern og nær fortid og m.a. dette ynskjer me å gjera kjend for deg.

Dagane har eit rikt mangfald av arrangement og tilstellingar som utstillingar, konsertar, turar, pub, tevlingar m.m.

Opninga av dagane vert på Tveitakaien, med Alversundet framføre oss, kl. 10 den 29. mai – 2. pinsedag, og skjer ved ordførar Sara Sekkingstad. Herifrå vert det ei vandring med historieforteljning fram til Alversund kyrkje. Her er det gudsteneste kl. 11.30 ved Ola Johannes Jordal og Rune Alver. Etterpå vert det kyrkjekaffi i kyrkjelydshuset.

Vel møtt til interessante og fine dagar!



Konsertar i Alversund kyrkje i samband med Alversunddagane:

Fredag 2. juni kl. 19.30

Draumen om fred - ein songkveld i Ivar Medaas-land. Alversund kammerkor med solistar og musikarar.

Laurdag 3. juni kl. 20.00

Konsert med Alverflaten Jazzband.

Konfirmant 2024

Tekst: Synnøve Bjørndal/Tone Marit Øvretveit Dyrkolbotn

Konfirmantpåmeldinga har opna for dei som vil vere konfirmant i 2023-2024!

Det er sendt ut informasjonsbrosjyre til dei som er medlemmar i Den norske kyrkje.

Viss du ikkje har fått brev i posten, finn du informasjon på heimesida vår: kyrkja.no/knarvik. Der finn du brosjyre, meir info og link til påmelding. Frist for påmelding er 18. august.

Året startar med informasjonsmøte for føresette og konfirmantar onsdag 23. august kl. 19 i Knarvik kyrkje.

I år vert konfirmantopplegget fornya. Konfirmantane kan velje mellom tre ulike grupper:

Q&A-konfirmant: For deg som er glad i å prata om store og små ting i livet. For deg som har mange spørsmål om kristen tru, om livet, om døden, og om alt mulig anna! Me er stort sett i kyrkje/kyrkjekjellaren, og lagar gjerne noko godt å eta saman, pratar gjennom spel, aktivitetar, og heilt vanlege samtalar.

Friluftskonfirmant: På denne gruppa er me mykje ute. Me skal ikkje klatra Mount Everest, men me nyttar stort sett nærområdet vårt. Me lagar bål, går på turar, pratar, og har rett og slett konfirmantundervisning i det fri.

Musikk- og lydkonfirmant: Likar du å spela instrument? Er du glad i data og teknikk? Syns du det er kjekt å synga - enten



i dusjen, på scenen eller i kor? Konfirmasjonsundervisninga vert knytt opp til musikk og lyd. Det er eit stort univers der du kan få utfalda deg i trygge rammer, kanskje prøva noko nytt og samstundes læra om tru, tvil, Gud, deg sjølv, andre og verda.

Det er meir info om gruppene på heimesida.



Frå kyrkjebenken

Tekst: Elin Irene Klausen

Foto: John William Kay

– Kor lenge har du vore aktiv i kyrkjelyden?

– Eg har vore aktiv i kyrkjelyden sidan 2007. Då tok eg til i Radøy damekor. Eg har vore medlem av Radøy sokneråd og medliturg sidan ein starta med denne ordninga.

– Kva set du mest pris på ved kyrkjelyden vår?

– Eg trivest godt med god sang og musikk og er svært subjektiv når eg trekker fram betydninga av den fantastiske orgelmusikken me har i kyrkja vår.

– Korleis vil du skildra kyrkja?

– For meg er det ei trygg havn. Radøy damekor syng den danske salmen «Et hus å komme til» av Janne Mark (2010) oversatt til norsk av William Kay. Denne salmen seier mykje om kyrkja og forholdet til menneska. Elles er kyrkja ein stad der det er plass til bøn og refleksjon. Dette er viktig for meg. Kvardagen kan tidvis by på utfordringar og kyrkja er ein stad der det er rom får å leggje desse utfordringane fram for Gud i stille bøn. Ein kan og nytta lysgloben. Her kan ein tenne lys og samtidig be ei bøn for det som ligg ein på hjarta. Dette er godt og nødvendig synest eg, og undrer meg tidvis på kvifor det ikkje er kø for å komme inn.

– Kva salme syng du gjerne for tida?

– For tida syng eg fleire salmar: «Et hus å komme til», «The Prayer» og «All things Bright and Beautiful». Alle skal damekoret syngje på sommarkonserten sin den 10. juni.

– Kva kjenneteiknar ein god kyrkjekaffi?

– Kyrkjekaffien er viktig for det sosiale miljøet i kyrkjelyden. Ein kan stoppe opp litt, prate med kvarandre og kanskje av og til diskutere preika... Elles vert eg veldig glad om det er noko eg kan ha attåt kaffien sidan eg har cøliaki. På Sæbø hadde dei Marie Fjellsende sine tørre vaflar og det var stas. Men det er ikkje noko «must». Ein kopp kaffi heldt lenge.

FAKTA:

Namn: Elin Irene Klausen

Alder: 57 år

Bustad: Kviste (5 km sør for Manger)

Yrke: Lærer på ungdomsskolen

AMFI

KNARVIK



Kyrkje- valet 2023

Tekst: Synnøve Bjørndal

Måndag 11. september er det kyrkjeval. Kyrkjevalet har same opningstid og har lokale i nærleiken av kommunevalet. Kyrkjevalet er to val. Det skal veljast sokneråd og bispedømeråd. Alle bispedømeråda i landet utgjer Kyrkjemøtet.

Kven kan stemme?

Alle som er medlem i Den norske kyrkja og som fyller 15 år i løpet av 2023 har stemmerett i soknet der dei bur.

Medlem?

Det vert ikkje sendt ut valkort. Viss du vil sjekke om du er medlem eller kva sokn du høyrer til, kan du logge inn på «Min side» på kyrkja.no.

Førehandsstemming

Nytt ved dette valet er digital førehandsstemming.

Periode for førehandsstemming:

- Digitalt: 10. august – 6. september
- Fysisk i eige sokn: 10. august – 8. september
- Fysisk i anna sokn: 10. august – 1. september

Tid og stad for førehandsstemming i Alver vert kunngjort seinare.

Digital førehandsstemming

- Veljarar loggar seg på med Bank-ID eller tilsvarande.
- Ein kan stemme så mange gonger ein vil, den siste stemma blir den teljande.
- Ein kan ikkje stemme på nytt på

papir viss ein har stemt digitalt.

- Det er veljaren som har ansvar for at det blir hemmeleg val.

Endringar på stemmesetelen

1. Veljaren kan gi ei ekstra personstemme til inntil tre kandidatar på lista ved å sette kryss ved namnet til vedkommande.
2. Veljaren kan også
 - a) **Ved soknerådsvalet:** Skrive inn inntil tre valbare personar. Desse får ei personstemme kvar.
 - b) **Ved bispedømerådsvalet:** Gje inntil tre «slengarar» til kandidatar frå ei anna liste ved å føre opp namnet i eit eige felt. Desse får ei personstemme, og lista gir ei listestemme per slengar til lista til vedkommande.

Meir info

Du finn meir informasjon på kyrkjevalet.no og på heimesida til den lokale kyrkjelyden din.

– Det viktigaste for kyrkja er å forkynne at Jesus døydde for syndene våre

Tekst og foto: Øystein Skauge

Lokale bispedømerådskandidatar:

Det er val på nye sokneråd og nytt bispedømeråd i september. Vi vil presentere meir stoff om dette i neste nummer av kyrkjebladet.

Men her fokuserer vi på dei lokale kandidatane frå Alver som står på listene til bispedømerådsvalet. Ingen frå Alver er med på Bønelista.

Bispedømerådet er det folkevalde organet rundt biskopen. I alt sju medlemmer vert valde inn i lag med ein prest og ein lek kyrkjeleg tilsett. Til saman utgjer alle bispedømeråda i landet Kyrkjemøtet som kjem saman ein gong i året. Dette er det øvste organet i Den norske kyrkja.

Tre kandidatar frå Alver står på tre av dei fire aktuelle vallistene ved bispedømerådsvalet.

På Frimodig kyrkje si liste står student Karen Sofie Uthaug (fødd 1998) frå Frekhaug. Journalist Håkon Glatved-Prahl (1956) frå Alversund står på lista til Open folkekyrkje, og Hege Feet Askvik (1957) frå Knarvik er lokal kandidat på Nominasjonskomiteens liste.

Vi har samla desse tre til ein samtale omkring valet, og om det dei opplever som viktig å fortelje om det deira lister

representar.

Håkon Glatved-Prahl sit i styret for Open folkekyrkje i Bjørgvin. Han fortel at mottoet deira er «Tru, håp og kjærleik. For alle.»

– Vi ynskjer at folkekyrkja skal vere open, med plass for alle.

Alle skal vere velkomne og bli verdsett. Uavhengig av kjønn, legning og teologisk ståstad. Vi vil motarbeide alle former for diskriminering.

Karen Uthaug fortel om Frimodig kyrkje at dei på denne lista er opptekne av at kyrkja skal vere lokalt styrt, og at kyrkja skal byggje på Guds ord. Kyrkja må vere evangeliserande, inkluderande og til ære for Gud.

Hege Feet Askvik seier at Nominasjonskomiteens liste er sett saman av



Karen Sofie Uthaug deltok på ein digital link under samtalen om bispedømerådsvalet i Knarvik kyrkje.

innspel frå dei ulike sokna. Meir himmel på jord», som er formuleringa av Den norske kyrkja sin visjon, vil vere sentralt. Lista skal innehalde eit meningsmangfald, og skal representere alle innspel frå sokna i bispedømet. Det som ligg til grunn for lista, er altså visjonen til Den norske kyrkja sentralt og det som er strategien for bispedømet. Dette inneber ein del av dei same orda som begge representantane for dei to andre listene brukar.»



Håkon Glatved-Prahl og Hege Feet Askvik samtalte om bispedømerådsvalet i Knarvik kyrkje.

– Håkon. Du sa at kyrkja skal vere open for alle, uavhengig av teologisk ståstad. Føler du at det er slik det er, også med tanke på folk med eit konservativt teologisk syn? Er det plass for dei?

– Open folkekyrkje vil respektere alle teologiske syn, og ha plass for dei i kyrkja, seier Håkon Glatved-Prahl. Vi vil vere open for alle, også konservative.

– Karen, kva tenkjer du om at kyrkja skal ha plass for alle teologiske standpunkt?

– Eg tenkjer at kyrkja må vere ein stad der folk med ulike teologiske standpunkt kan kome og vere. Personleg vil eg ikkje støtte inngåing av likekjønna ekteskap i kyrkja. Det er vigselen i kyrkja eg opplever som problematisk. Samstundes tenkjer eg at det vil vere naturleg at kvar enkelt kyrkjelyd kan velje sitt standpunkt i denne saka, utan overstyring utanfrå.

Men Håkon synest det er leit at så få prestar i Alver er villige til å vigsla likekjønna par i kyrkja.

Hege: –Eg tenkjer at vedtaket som Kyrkjemøtet gjorde i denne saka var svært viktig. Og endå meir at bispedømet at sagt at ingen prest skal kunne nekte å samarbeide med ein kvinneleg prest. Vi må ha køyrereglar der vi ikkje kan stå på sida og seie at eg vil ikkje samarbeide med deg. Det er øydeleggjande lokalt.

– Karen, du er yngst av oss som snakkar saman, og går sikkert i krinsar der fleire unge deltar. Opplever du at kyrkja er relevant for dei unge?

– Ja. F.eks er studentkyrkja i Bergen aktuell, kul og relevant på mange måtar. Den er super for unge. Men det er nok ein del yngre, konservative kyrkjefolk som ikkje opplever kyrkja sin bodskap som relevant. Er det kanskje for lite fokus på evangeliet? Kanskje alle debattane om nettopp likekjønna ekteskap gjer at kyrkja blir oppfatta som ein politisk arena, meir enn det eg og andre ynskjer i ei kyrkje?

– Kva andre saker er viktige å arbeide for i eit bispedømeråd?

Håkon: –Også for Open folkekyrkje er soknet si innflyting på vesentlege avgjerder viktig. Vi vil at det lokale soknerådet skal ha meir å seie f.eks ved tilsetjing av kyrkja sitt personale, inkludert prestane.

Hege peikar på det same. Ho trur at det i tida som kjem vil bli mykje finsnekring på det som har med kyrkjeleg organisering å gjere. Men noko så viktig som klima må også vere sentralt å meine noko om, ikkje minst for ein leiar som biskopen. Dette fordi evangeliet faktisk seier noko om vårt forvaltaransvar.

– Kva er det aller mest vesentlege av det evangeliet som kyrkja skal forkynne?

Karen er snar til å svare: – Det at Jesus døydde for syndene våre. Og at vi gjennom han kan bli frelst. Dette vert det svart tydeleg ja til også frå dei to andre kandidatane.

Hege løfter fram forteljinga om den bortkomne sonen, og ser for seg at det må vere råd å lage paroler som handlar om ein Gud som ynskjer å vere nær menneska. Gjennom forvaltaransvar, nestekjærleik, det å vere eit medmenneske. Håkon peikar på at i Open folkekyrkje sitt program har klimautfordringa fått ein stor plass.

For Karen er det også viktig å få fram at for henne er det viktigaste at kyrkja framfor alt skal vere evangeliserande, meir enn å engasjere seg i det som sjølvstakt er aktuelle og viktige samfunnsspørsmål, men likevel kjem i skuggen av det å ære Gud.

Alle dei fire listene vil bli presenterte i neste nummer av kyrkjebladet. Men allereie no kan du finne dei på Bjørgvin bispedøme sine nettsider: <https://www.kirken.no/nn-NO/bispedommer/bjorgvin-bispedome/nyhetsarkiv/>



NORDHORDLAND
BEGRAVELSESBYRÅ

Ditt lokale
gravferdsbyrå

ALLTID HÉR FOR



DU NÅR OSS PÅ TLF. 56 37 14 10 - 56 99 25 70

Kyrkjevegen 1
Alversund

Havnevegen 31
Frekhaug

Elvavegen 1
Dalekvam

Etikk, takk!



Stadig fleire kjæledyr blir vaksinerte

Dyrepleiar Therese Skjønhaug Bakke tek imot katten Diva (1 år), som er innom klinikken for å bli vaksinert. Eigar Hege Bø frå Manger er tilfreds med både katten sin og behandlinga på klinikken.

Tekst og foto: Håkon Glatved-Prahl

– Noko av det vanskelegaste vi opplever er når vi ser kjæledyr som har vondt, eller har sjukdommar som vi veit kan behandlast, men som eigar ikkje ser, eller ikkje har økonomi til å få ordna.

Slik svarar dyrepleiar Therese Skjønhaug Bakke når vi spør kva situasjonar som er mest krevjande i jobben ho og kollegaene hennar har.

Therese er eigar og dagleg leiar i Alver Dyreklinikk, og til liks med andre dyreklinikkar har ho lagt bak seg svært travle veker. Med finværet blir det lengre turar for hundane, og sjansane for uheldige møte med andre hundar, hoggormar eller generelle skader er større enn elles i året. I tillegg er dyreeigarane i dag meir bevisste på forebyggande tiltak for sine firbeinte vener, for eksempel med vaksinering no på forsommaren.

– Folk gjer meir for kjæledyra sine i dag, samtidig som vi har betre utstyr. Det betyr at vi i langt større grad kan behandla skader og sjukdommar som før kanskje enda med avlving.

Tok utdanninga si i Danmark

Neste år er det ti år sidan Therese Skjønhaug Bakke etablerte Alver Dyreklinikk på Ikenberget. Før det var ho tilsett i Knarvik Dyreklinikk i mange år. 39-åringen har aldri vore i tvil om kva yrke ho ville peila seg inn på.

– Frå eg var ganske ung har eg visst at det var dette eg ville satsa på. Eg er veldig glad i dyr og synest det er flott å vera til

hjelp først og fremst for dyra sjølve, men også for eigarane.

Therese tok utdanninga si som dyrepleiar i Kolding heilt sør i Danmark. I dag tel staben i klinikken hennar fem personar, der to av dei er veterinærar.

Det er travelt på klinikken når vi stikk innom for ein prat. Hundar og kattar blir saman med eigarane ønskte velkomne inn, medan andre er på veg ut, gjerne akkompagnert av ein «Takk for hjelpa» frå eigarane.

Jobbar mest med hund og katt

Og det er nettopp hundar og kattar som er Alver Dyreklinikk sitt hovudfokus, sjølv om det hender at også andre dyreslag blir lagt på behandlingsbenken.

– Vi får tidvis inn hamster og kaninar også. Til og med flaggermus, ekorn, pinnsvin og småfuglar har vore til behandling her hjå oss. Dei sistnemnde er som oftast skadde dyr, som vi kan gje ei vurdering av før vi eventuelt sender dei vidare til veterinærar som er ekspertar på slike dyr, seier Therese.

Flaggermus og pinnsvin kan vera bærarar av sjukdommar, så dei må handterast varsamt, påpeikar ho.

Skal vera dyra sin advokat

– Litt tilbake til vanskelege vurderingar. Korleis er det å fortelja til eigar at kjæledyret har best av å sovna inn?

Etikk, takk!

– Det er ein del av jobben når slike situasjonar oppstår. Vi dyrepleiarar og veterinærar skal på mange måtar vera gode advokatar for dyra og tala deira sak. Samtidig må vi ta omsyn til eigarrolla, for eksempel kva livssituasjon eigaren er i. Det kan oppstå sterke kjensler som må taklast på beste måten.

– Kva med dei tilfella der eigar nektar for at kjæledyret har best av å bli avliva?

– Det skjer heldigvis sjeldan. Men i slike tilfelle må vi spørja for kven er det best at dyret får leva vidare? Er det for dyret sjølv eller for eigaren? Har kjæledyret store lidningar, og behandling ikkje vil hjelpa, så forstår som oftast eigaren at det beste for dyret er avliving.

Therese legg til at dyreklinikken har meldeplikt til Mattilsynet dersom eigar ikkje forstår, eller vil forstå, kor alvorleg situasjonen er.

– Vi har hatt tilfelle der vi har måtta melda frå til Mattilsynet.

Større fokus på forebygging

Den daglege leiaren er snar med å presisera at det er i andre enden av skalaen arbeidet ved klinikken på Ikenberget helst dreier seg om.

– Heldigvis er det slik at kjæledyra vi har innom, klarar seg godt når dei får behandling. I tillegg er det mange som kjem med friske dyr for å få dei vaksinerte. Det er ein klar tendens dei seinare åra at folk veit meir og er blitt opptekne av å forebygga. No på vårparten set vi veldig mange vaksiner.

– Ein hundeeigar har fortald at han blei forespeglå ein kostnad på langt over 20.000 kroner for behandling av eit hoggormbitt på hunden sin. Er det verkeleg så dyrt?

– Ja, behandling av hoggormbitt kan vera dyrt, men det er utelukkande fordi det medfører store utgifter for oss. Det viktigaste er væskebehandling for å unngå at hunden går i sjokk på grunn av giften. I mange tilfelle må du gje

motgift, som berre i innkjøp til oss kostar oss rundt 5000 kroner pr. dose. Dernest kjem utgifter til venefflon i foten, smertelindring, medisiner og i nokre tilfelle må hunden overnatta på klinikken. Så ja, hoggormbitt kan vera dyrt å behandla, men då er det lurt at dyret er forsikra på førehand, seier Therese Skjønhaug Bakke.

Og akkurat forsikring er eigarane av kjæledyr blitt flinkare til å ha. Mange vel enten ei forsikring med ein fast eigenandel, eller ein prosentvis eigenandel av dei totale kostnadene, for eksempel 20 prosent.

– Har du eit ungt kjæledyr, men ikkje økonomisk evne til nødvendig behandling, er det veldig frustrerande for alle partar, legg ho til.

– Gir oss masse energi

Sjølv om enkeltsaker kan vera tøffe, tappar det på ingen måte gleda av å arbeida med dyr, slår Therese fast.

– Det er veldig kjekt og inspirerande å sjå dei spente forventningane nye dyreeigarar har når dei kjem til oss med kjæledyra sine. Slike øyeblikk er det så viktig å ta vare på. Det gir oss masse positiv energi.

Før klinikksjefen hastar vidare til neste «kunde», avsluttar ho med følgjande historie:

– Ein hundeeigar kom inn til oss i halvpanikk, fordi dei hadde oppdaga ein flått på hunden dei ikkje fekk bort. Dei hadde vridd og dratt, men til ingen nytte. Hunden reagerte med å bli irritert og var i ferd med å mista tilliten til eigaren. Her hjå oss viste det seg at han hadde vridd og slite i ein av pattane til hunden. Og det var til og med ein hann-hund, men sjølv hannar har pattar. Gjett kven som hadde dårleg samvit etterpå!



Bygg Team
VEST AS

Alt innan tømrarfaget!



VATNE
begravelsesbyrå

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no



EL.INSTALLASJON - INGENIØRTENESTER - SERVICE

Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA





Knarvik
Blomsterstove

Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

KULTURKALENDER

2. juni

Konsert i Alversund kyrkje kl. 19.30

Draumen om fred - ein songkveld i Ivar Medaas-land.
Alversund kammerkor med solistar og musikarar.

3. juni

Konsert i Alversund kyrkje kl. 20.00

Konsert med Alverflaten Jazzband.

10. juni

Manger kyrkje kl. 19:00

Radøy damekor sin sommarkonsert
Dirigent Jacqueline Chesney, Radøy damekor og lokale gjestar.

10. juni

Konsert i Knarvik kyrkje kl. 18.00

Koret STEMMER – dirigent Tore Kloster. A capella repertoar med musikk av bla. Esenvalds, Poulenc, Whitacre, Palestrina, Schütz og mange flere. Billett kr. 150.

15. juni

Rasteplassen, Idrettsvegen 1A, 5936 kl. 18:00

<<Syng sommaren saman – fellessong på Rasteplassen>>
William Kay med gjestar.

18. juni

Manger kyrkje kl. 18.00

Konsert og CD-slepp med Rune Alver og Inger Johanne Ektvedt.
Billett vaksne 200 kr, under 16 år 100 kr.

18. juni

Midtsommarkonsert i Lygra kyrkje kl. 18.00

”SOM EI ROSE ...” Vakker song og musikk for den lyse årstida.
MEDVERKANDE: Kjersti Møllerup Wiik, sopran/dirigent, Laila Kolve, fløyter, Vidar Eldholm, tangentar, Damekoret ”KVENDE”, Kvartettar og solistar som t.d. Astrid Aa.Byrknes, Astrid Skodvin, Linn Haaland, Kristine H. Titland m.fl.
Bill.kr 250,- på Ticketco.no, ved døra eller over tlf. 92 66 39 20.

I samarbeid med Lyngheisenteret som serverer middag/
lunsjrett fram til kl 1730.

Arr. Nordhordland Song-og musikkverkstad.

25. juni

Konsert med orgel, gitar og flygel i Knarvik kyrkje kl. 19

Gitarist Bjørn Schille og organist/pianist André Eide inviterer til orgel, gitar og flygel-konsert. Bjørn Schille spelar hybridgitar som er ein kombinasjon av elgitar og bassgitar og saman med Eidè framfører dei eit variert repertoaret med både kombinasjonen gitar & orgel, samt solonummer.

Svært godt resultat i Fasteaksjonen

Tekst og foto: Gunnar Kartveit

Årets Fasteaksjon gav som resultat 365.000 kr totalt i Alver og Modalen. Det gjev reint vatn til heile 1.460 menneske!

Pengane kom inn både som kontantar, på Vipps og ved bankoverføring. Innsamlinga fordeler seg slik på dei ulike sokna:

Meland 120.383 kr
Radøy 102.860 kr
Lindås 65.904 kr
Knarvik 53.642 kr
Osterfjorden 19.123 kr
Modalen 14.792 kr

365.000 kr frå Alver og Modalen er det nest høgaste nokosinne, og berre 18.500 mindre rekord-resultatet i fjor – trass i det kraftige snøveret som stengde delar av området vårt på den planlagde innsamlingsdagen. Snøen

førte til at Lindås og Radøy utsette dør-til-dør-aksjonen. Like fullt auka Meland og Radøy resultatata sine frå i fjor.

STOR TAKK til alle som

- organiserte innsamlinga
- gjekk med bøsser: konfirmantar, foreldre og andre
- gav kontantar, vippsa eller overførte på konto
- Radøy Matsørvis og andre som gav gratis kake og bollar til bøsseberarane

Pengane kjem fram, og dei bergar og endrar liv!



RISNES
ELEKTRO AS

Elinstallatør · tlf. 56349620

GOD PINSE!

Les gjerne om pinseunderet i Apostelgjerningane kap. 2.

Den tyske kunstnaren Gebhard Fugel (1863-1939) har laga maleriet «Pinsepreike» med utgangspunkt i denne forteljinga. Biletet er henta frå Wikimedia Commons.

Vår lokale prest i Meland, Bjørn Tore Sæle, gjev oss andakt over orda frå det same kapitelet.

Vi gler oss over pinseunderet. God pinse!

PINSEANDAKT

Høre og gi videre

Av Bjørn Tore Sæle, sokneprest i Meland

Meget er forskjellig, men det er utenpå

«Meget er forskjellig, men det er utenpå», het det i barnesangen mange av oss husker. Egentlig er vi ganske forskjellige inni også. Det føles som livslang læring å forstå hvor forskjellige vi faktisk er, når det kommer til erfaringer, syn på livet, tro, tanke og mening. Men tross alle disse forskjellene, er det noe sant i påstanden: Inni er vi ofte like i det å trenge håp, drømmer, et meningsfullt liv og et fundament å hvile på i møte med motgang og død.

Evangeliet til alle slags folk

Pinsen kan forstås som at Gud kaller alle oss forskjellige, og vil møte oss i dette som er felles. Fra forvirringen i Babylon går det en linje til pinsedagen, fra alle de som ikke lenger forstod, til pinsedagen der alle fikk evangeliet på sitt språk. Alle de som var forskjellige, utenpå og inni, fikk evangeliet om Jesus til seg. Alle slags mennesker ble kalt. Pinsen betyr at evangeliet ikke er skjult og for noen få, for de som knekker koden. Det er til hvert menneske, med sine tanker, lengsler og språk. Jesus stod opp for deg. Siden pinsedagen har alt handlet om å bære dette budskapet videre til alle folk, til alle slags folk, på alle tungemål, for at alle skal få tro.

Høre eller ikke høre

Men fra det ene barndomsminnet til det andre: Karius og Baktus; hva de sa om tannlegen, da de hadde ropt at han ikke skulle tette hullene deres? ”Han hører ikke,” sa Baktus. ”Han vil ikke høre,” sa Karius. Hvor mye språket enn treffer, hvor mye det enn møter vår livssituasjon, ja om ordene så å si er designet for å krype inn i akkurat våre ører, så hjelper det ikke, om jeg ikke vil høre. Et budskap trenger mer enn åpne ører for å nå inn, det trenger også åpne sinn. En rabbiner formulerte et prinsipp: Dersom du skal forstå noe, må du først gå ut fra at det som blir sagt, er fornuftig (referert etter Kristian Kise Haugland). Pinsen handler altså også om tilhørerne, at vi må lytte med åpne sinn til det som blir forkynt for oss.

Høre og gi videre så alle kan forstå

Språk kan skille og språk kan samle. Pinsedagen var starten på å samle alle som er spredt og skilt, samle oss om



Gebhard Fugel: "Pinsepreike"

evangeliet, håpet og oppstandelsen, ja om Gud. Vi kalles til å lytte og ta til oss, og så bære ordet videre på et språk og på en måte som kan bli forstått av den som hører. Gud vil et fellesskap med alle slags folk og tungemål, et fellesskap der du og jeg hører med.

Heilt Enkel Hekla Veske

Begynnarvenleg oppskrift på hekla veske av Solbjørg Makalani Myrtveit Sæther
IG: @nordicyarnart Epost: nordicyarnart@gmail.com

Storleik og utstyr

Storleik: Høgd 23 cm, breidde 26 cm.

Heklefasthet: 10 x 10 cm tilsvarer 10 masker og 11 rader fm rundt og rundt i dobbelt garn Drops Paris.

Heklenål: Str. 7 mm, eller den som gjev rett heklefasthet.

Garn: 200 gram Paris frå Drops/Garnstudio (75 m/50 gram). Du heklar med dobbelt garn.

Du treng også: saks, stoppenål og ein maskemarkør.

Merk: Veska fungerer fint utan fôr! Dersom du har lyst å sy i fôr, kan du kontakta Solbjørg Makalani og få tilsendt skildring av korleis du gjer det.

Forkortingar:

R: runde/rundar – m: maske(r) – fm: fastmaske(r)
lm: luftmaske(r) – km: kjedemaske(r)

Oppskrift

Veska er hekla i ein del. Du startar med å hekla ein oval botn med fastmasker i spiral. Sidene heklar du også med fastmasker i spiral. På dei siste rundane lagar du hankane.

Legg opp 15 lm med dobbelt garn.

R1: 2 fm i 2. lm frå nåla. 12 fm. 5 fm i siste maske. Desse 5 m vil gjera at arbeidet roterer ca. 180 grader. Hekl tilbake på andre sida av oppleggssrada. 12 fm. 3 fm i siste maske – same maske som dei 2 første fm er hekla i. (34 m)

Plasser ein markør i første fm på runden. Når du kjem rundt til markøren igjen, heklar du vidare til neste runde utan km eller andre overgangar. Flytt markøren til første fm på ny runde. Dette gjeld for alle rundar der ikkje anna er sagt.

R2: 2 fm i kvar av dei to neste m. 12 fm. 2 fm i kvar av dei neste 5 fm. 12 fm. 2 fm i kvar av dei siste 3 fm. (44 m)

R3: 2 fm i første m, 1 fm, 2 fm i neste m. 13 fm. *2 fm i same m. 1 fm*. Gjenta frå * til * til saman 5 gongar. 12 fm. *2 fm i same m. 1 fm*. Gjenta frå * til * til saman 3 gongar. (54 m)

R4: Fm heile vegen rundt. (54 m). No er botnen ferdig.

R5, R6 og R7: Fm heile vegen rundt. (54 m)

R8: 2 fm saman (du feller 1 fm). Denne fellinga er i sida av veska (rett over og i midten av der aukingane skjedde på dei første radene). 25 fm. 2 fm saman. 25 fm. (52 m)

R9 til R22: Fm heile vegen rundt. (52 m)

R23: 2 fm (sjekk at du er akkurat i «bretten» av veska). 9 fm. 9 lm, hopp over 9 fm. 8 fm (sjekk at du er akkurat i «bretten» på motsett side). 9 fm. 9 lm, hopp over 9 fm, 6 fm. (52 m)

R24: 1 fm. 2 fm saman (du feller 1 m i sida på veska). 8 fm. 9 fm om luftmaskebogen. 7 fm. 2 fm saman (du feller 1 m i motsett side). 8 fm. 9 fm om luftmaskebogen. 6 fm. (50 m).

R25: 10 fm. 11 fm (eller fleire*) om hanken. Hekl fastmaskene så dei festar rundt heile hanken – ikkje fest dei i fm frå førre runde, slik du vanlegvis ville gjort. Hekl tett og så jamt du klarar. 16 fm. 11 fm (eller fleire*) om hanken. 6 fm.

*Hekl så mange fm som du treng for å få heile luftmaskebogen dekkja av fm tett i tett. Dette gjeld både R25 og R26.

R26: 1 fm. 2 fm saman. 7 fm. 15 fm (eller fleire*) om hanken. Hekl fastmaskene rundt heile hanken – ikkje fest dei i fm frå førre runde. Hekl tett og så jamt du klarar. 7 fm. 2 fm saman. 7 fm. 15 fm (eller fleire*) om hanken. 6 fm. Km til første fm på rada. Bryt garnet og fest alle endar.

Tips: Det kan henda det er a lita opning i maska der du hekla 5 fm (R1). Om du vil, kan du snurpa dette hòlet saman ved å sy gjennom maskene og så strama godt til. Fest så endane.

Valfri kant: Skift til nål nr 4. Hekl km gjennom fm på siste rad heile vegen rundt. Km skal leggja seg på framsida. Bryt garnet og fest alle endar.

Eg, Solbjørg Makalani Myrtivet Sæther, har utforma og skrive oppskrifta. Du kan ikkje dela den vidare. Ikkje nøl med å ta kontakt på e-post eller via Instagram viss du har spørsmål eller kommentarar. Del gjerne bilete tagga med #heiltenkelveske, #nordicyarnart eller @nordicyarnart i sosiale medium. Eg håpar du vil kosa deg med både prosessen og veska! Lukke til! Helsing Solbjørg Makalani. Takk til Astrid Storheim Myrtveit, Ingrid Myrtveit Petersen



Ingrid Myrtveit Petersen viser kor fine hekla vesker kan bli.


Torsvik Elektro AS er total-leverandør av elektroinstallasjoner i Alver

Vi utfører:

Bolig og industri • Alarm
Billadere • Adgangskontroll
Tele/data-nettverk •
Automatisering •
Godkjent for kontroll
av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG



Alver Byggrenhold

Påskesong- gudsteneste

Tekst og foto: Synnøve Bjørndal

Søndag etter påske var det duka for påskesonggudsteneste i Knarvik kyrkje.

På programmet sto vakker song av ei gruppe frå Sing Singeling og Sing Out og heile kyrkjelyden fekk vere med og synge dei kjære påskesalmane våre.



Vakker song av ei gruppe frå Sing Singeling og Sing Out på påskesonggudsteneste.

Kyrkjeferd

Tekst og foto: Synnøve Bjørndal

I løpet av våren har soknerådet invitert på kyrkjeferd til alle kyrkjene i Knarvik sokn.

Første stopp på ferda var Knarvik kyrkje. Åge Palmesen orienterte om byggeprosessen, bygget og kyrkjekunsten. Odd Leif Mjøs fortalte om orgelet og trylla fram flotte tonar. Ole Hagesæther avslutta samlinga med ein kort kveldsandakt. Seinare gjekk ferda vidare til Alversund, Seim og Lygra. Flott å verte betre kjent med kyrkjene våre!



Åge Palmesen orienterte om kyrkjebygget på kyrkjeferd i Knarvik.

Storsamling for konfirmantane

Tekst og foto: Synnøve Bjørndal

Laurdag 15. april var alle konfirmantane i Nordhordland inviterte til konfirmantfestival i Knarvik.

Det var fellessamlingar med undervisning, song og musikk i Knarvik kyrkje, med Thor Haavik, solistar og band. Konfirmantane kunne velje mellom mange ulike aktivitetar, mellom anna ballspott, dans, band, teknikk, kreativt verkstad og seminar om grådighet. Nordhordlandshallen og heile kyrkja var i bruk. Det var Bjørgvin bispedøme og KFUK-KFUM Bjørgvin som arrangerte, med mange gode hjelparar frå KRIK, NMSU, FKU Teknikk, konfirmantleiarar og foreldre.



Song og musikk sto på programmet når konfirmantane i Nordhordland var samla til konfirmantfestival i Knarvik.

Slekters gang

Knarvik

Døypte

26.02.2023	Vegard Vatnøy
26.02.2023	Sivert André Eggen-Hilland
26.02.2023	Sander Ulvatn Sæbø
05.03.2023	Viktor Dalhaug Hellestveit
05.03.2023	Cornelia Risa-Toft
12.03.2023	Emil Nordpoll
26.03.2023	Filip Mellingen
23.04.2023	Ingrid Brakvatne Eikeland

Vigde

08.04.2023	Jannicke Johannessen og Michal Fanebust-Norheim
------------	--

Døde

07.03.2023	Jan Stusdal f. 1955
------------	---------------------

Alversund

Døypte

22.04.2023	Leah Emilie Åsebø Legernes
------------	----------------------------

Døde

27.02.2023	Askild Alver f. 1932
------------	----------------------

Lygra

Døde

27.02.2023	Lise Nansy Myksvoll f. 1932
05.03.2023	Sigmund Bakke f. 1937

Liste til soknerådsvalet i Knarvik

Nominasjonskomitéen har lagt fram følgjande liste til soknerådsvalet 11. september. Lista er godkjent av soknerådet.

- | | |
|---|--|
| 1. Hildur Løkken
Lillestøl
Knarvik | 10. Arthur Fondenes
Kleiveland
Knarvik |
| 2. Svein Arne Hatlevik
Alversund | 11. Kåre Jordal
Alversund |
| 3. Monika Bøkevoll
Aarland
Seim | 12. Birte Therese Nilsen
Knarvik |
| 4. Lillian Berentsen
Lygra | 13. Margrethe Myksvoll
Seim |
| 5. Åge Clausen
Knarvik | 14. Bente Cathrine
Sørheim Vetvik
Seim |
| 6. Karoline Vemøy
Sundsbø
Alversund | 15. Berge Toppe
Knarvik |
| 7. Rune Landsvik
Seim | 16. Helge Haugland
Alversund |
- Det kjem nærare presentasjon av kandidatane på heimesida og i neste nummer av Kyrjekontakten.

Tankestrek

Av Tone Marit Øvretveit Dyrkolbotn

Ein dag for historiebøkene

Det låg ei varm forventning over den lange køen som bygde seg opp utanfor - og i Bergen domkyrkje denne solfylte aprildagen i 2023. Bunadar, slips, nokre prestesnippar og mange smilande folk. Ei og anna tåre i augekrokar var det òg å sjå. Me skulle alle vera med på noko stort og historisk: Bjørgvin bispedøme skulle få ny biskop, og denne gongen var det ei kvinne som skulle verta sett inn i tenesta. Ragnhild Jepsen er vår nye biskop, og det var klart for vigsling av ho.

Det som skjedde i Domkyrkja denne dagen trur eg gjorde noko med alle som var der, alle som følgde gudstenesta på nett, alle som har lese om det og høyrd om det. For det var stort. Og det gjev fornøye grunn til å forventa noko godt. Av Biskop Ragnhild, av og for kyrkjelydane våre, men kanskje mest av Gud. Gjennom ord, tonar og handlingar, i dei varme smila som møtte kvarandre, i fellesskapet, i nattverden og i rommet var det gode glimt å sjå. Glimt av ein Gud som kallar oss menneske, nokon til biskopar, men dei fleste av oss til andre ting. Ein Gud som møter oss med kjærleik og god næring som gjev vekst. Som er glad i oss og ønskjer relasjon med oss. Ein Gud som har vunne over døden og som møter oss her me lever våre liv, slik den oppstadne Jesus møtte læresveinane på fisketur - som biskopen minna om i preika si.

Å gå ut frå Domkyrkja denne dagen var nesten like stort og fylt med forventning som å stå i kø og gå inn. Fylt med håp, varme og kjærleik - frå Gud som har kome heilt nær oss menneske og som utrustar oss til kvar dag me får. Det vert spanande og stort å sjå korleis vår nye biskop fyller rolla, forkynner med ord og gjerningar og møter menneske der ho ferdast. Gode spor - det er eg sikker på vert sett.



Eit historisk møte: Spesialprest Tone Marit og sokneprest Cathrine gratulerer biskop Ragnhild Jepsen etter bispevigslinga i Bergen Domkirke 16.april. Foto: Cathrine Grutle.

Trekningsliste

Basar v/ Kyrkjeringen i Alversund kyrkjelydshus
18.02.2023

Nr., Gevinst, Vinnar

1. Sykkel, Sissel Bjørke
2. Hardangersaumduk, Inger Hageberg
3. Strikka barnejakke, Trym Leander H. Aadland
4. Dagstursekk + termos, Jone Nachtnebel Pollen
5. Herregenser, Jannicke Kvamme Krüger
6. Dokke med klær, Rakel Valle
7. Damejakke, John Myksvoll
8. Strikka pledd, Jorunn Odland
9. Gåvekort Alver Hotel, Kristian Reigstad
10. Gåvekort bilvask Gabben, Eli Romarheim
11. Quilta løpar, Ståle Hauge
12. Gåvekort dekkskift Dekkhuset, Anne Margrethe Glatved-Prahl
13. Fiskestong, Unnhild Lyngøy Vassdal
14. Sodastream, Jorunn Vabø
15. Barnegenser, Ingunn og Arthur Kleiveland
16. Bordløper, Kari Lekva
17. Brettspel, Sølvi Litleskare Leine
18. Ullundertøy/sett, Janne Glomnes
19. 1 sekk ved, Liv Selø Næss
20. Gavekort kiropraktor, Heidi og Odd Leif Mjøs
21. Racerbil med fjernkontroll, Vigdis Simberg
22. Riskokar, Ingebjørg Palmesen
23. Babysett, John Villy Sandvik
24. Gul dametopp, Liv Selø Næss
25. Blå/kvit barnegenser, Håkon Glatved-Prahl



DEN NORSKE KYRKJA

Kyrkjekontakten:
Knarvik kyrkjekontor

Lonsvegen 100, 5914 Isdalstø

Opningstid:

Tysdag-fredag kl. 9.00-15.00

Tlf.: 400 01 691

alle kvardagar kl. 10.00-14.00.

Postboks 228, 5903 Isdalstø
post.knarvik@kyrkja.no

www.kyrkja.no/knarvik

Facebookside: Knarvik kyrkje

Kontonummer: 3633 67 39882

Vipps: 517310

Hugs å merka kva betalinga gjeld.

Alver kyrkjelege fellestråd

Lonsvegen 1, 5914 Isdalstø

post.alver@kyrkja.no
www.kyrkja.no/alver

Kyrkjevevjerje: John Fredrik Wallace
jw734@kyrkja.no

Leiar i fellestrådet: Tove Sneås
Skauge, tovesneska@gmail.com

Soknerådsleiar:
Janicke Gruehagen Lyngøy

Kyrkjekontakten

Utgevar: Knarvik sokn, i samarbeid med Meland sokn, Osterfjorden sokn, Mo sokn, Radøy sokn og Lindås sokn.

Redaktør: Øystein Skauge
Lokal redaksjon: Staben på kyrkjekontoret/Synnøve Bjørndal

Grafisk design: Simen Søvik
Trykk: Bodoni AS

Framsidedeilete: Lygra kyrkje.
Foto: Bjørn Furukawa



Helge Taranrød
Prost
ht759@kirken.no



John Fredrik Wallace
Kyrkjevevjerje
jw734@kyrkja.no



Cathrine Grutle
Sokneprest
cg836@kirken.no



Tone Marit Øvretveit Dyrkolbotn
Spesiellprest frå 03.07
td663@kyrkja.no



Magne Bjørndal
Seniorprest
mb578@kyrkja.no



Synnøve Bjørndal
Dagleg leiar
sb876@kyrkja.no



Odd Leif Mjøs
Kantor
om623@kyrkja.no



Nina Jenny Tresvik Monstad
Kateket
nm853@kyrkja.no



Eirun Bjotveit Fonneland
Kyrkjelydspeagog
ef882@kyrkja.no



Bjørn Furukawa
Kyrkjetenar
bf982@kyrkja.no



GUDSTENESTE- KALENDER

Knarvik

28. mai

Pinsedag
Kl. 11: Høgtidsgudsteneste
v/ Magne Bjørndal. Dåp/
nattverd.

4. juni

Treeiningssøndag
Kl. 11 v/ Helge Hitland.
Dåp/nattverd.
Misjonsgudsteneste.

18. juni

3. s. i treeiningstida
Kl. 11 v/ Magne Bjørndal. Dåp/
nattverd.

2. juli

5. s. i treeiningstida
Kl. 11 v/ Ole Marton Ølberg.
Dåp/Nattverd.

16. juli

7. s. i treeiningstida
Kl. 11 v/ Tone Marit Øvretveit
Dyrkolbotn. Dåp/Nattverd.

23. juli

8. s. i treeiningstida
Kl. 11 v/ Cathrine Grutle. Dåp/
Nattverd.

6. august

10. s. i treeiningstida
Kl. 11 v/ Cathrine Grutle. Dåp/
Nattverd.

20. august

12. s. i treeiningstida
Kl. 11 v/ Cathrine Grutle. Dåp/
Nattverd.

27. august

13. s. i treeiningstida
Kl. 18 v/ Helge Taranrød.
Solidaritetsgudsteneste.
Gjest: Rune Soltvedt,
tidlegare sportssjef i Brann.

10. september

15. s. i treeiningstida
Kl. 11 v/ Tone Marit
Øvretveit Dyrkolbotn
og Nina Jenny Monstad.
Storfamiliegudsteneste.
Semesterstart.

Alversund

29. mai

2. pinsedag
I samband med
Alversunddagane vert det
historisk vandring kl. 10 og
gudsteneste kl. 11.30 v/ Ola
Johannes Jordal og Rune
Alver. Kyrkjekaffi.

25. juni

4. s. i treeiningstida
Kl. 11 v/ Helge Hitland. Dåp/
Nattverd.

30. juli

9. s. i treeiningstida
Kl. 11 v/ Cathrine Grutle. Dåp/
Nattverd.

27. august

13. s. i treeiningstida
Kl. 11 v/ Tone Marit Øvretveit
Dyrkolbotn og Eirun
Bjotveit Fonneland. Dåp.
Konfirmantpresentasjon

Seim

9. juli

Aposteldagen
Kl. 11 v/ Tone Marit Øvretveit
Dyrkolbotn. Dåp/Nattverd.

13. august

11. s. i treeiningstida
Kl. 11 v/ Magne Bjørndal. Dåp/
Nattverd.

10. september

15. s. i treeiningstida
Kl. 11 v/ Helge Taranrød. Dåp.

Lygra

11. juni

2. s. i treeiningstida
Kl. 11 v/ Cathrine Grutle.
Familiegudsteneste.
Pilegrimsvandring og
grilling og aktivitetar på
Lyngheiseret.

SØNDAG ER GUDSTENESTEDAG!

Velkomen til kyrkja di, eller til kyrkja der du måtte
vere når det er søndag.